

**BOSNA I HERCEGOVINA**  
**Federacija Bosne i Hercegovine**  
**TUZLANSKI KANTON**  
**Javno preduzeće**  
**„Međunarodni aerodrom Tuzla“ d.o.o.**

**Broj: 01/I-1623-<sup>23</sup> /20**  
**G.Dubrave, <sup>H. 12</sup> .2020.godine**

Na osnovu člana 69. stav 3. Zakona o javnim nabavkama BiH (Službeni glasnik Bosne i Hercegovine broj: 39/14), te prijedloga Komisije za provođenje postupka za nabavku usluga stručnog nadzora nad izvođenjem radova na izgradnji objekta Atrijuma sa poslovnim prostorijama i vanjskim uređenjem utvrđenog u zapisniku broj: 01/I-1623-22/20 od 17.12.2020.godine, a u skladu sa Rješenjem Ureda za razmatranje žalbi Filijala Mostar, broj: JN2-03-07-1-3212-10/20 od 10.12.2020.godine, u ime uprave Javnog preduzeća Direktor JP „Međunarodni aerodrom Tuzla“ d.o.o., d o n o s i:

## **ODLUKU**

### **o poništenju postupka za nabavku usluga stručnog nadzora nad izvođenjem radova na izgradnji objekta Atrijuma sa poslovnim prostorijama i vanjskim uređenjem**

#### **I**

Poništava se postupak javne nabavke za nabavku usluga stručnog nadzora nad izvođenjem radova na izgradnji objekta Atrijuma sa poslovnim prostorijama i vanjskim uređenjem koji je proveden putem konkurentskog zahtjeva objavljenog na web portalu javnih nabavki broj: 527-7-2-73-3-20/20 od 10.08.2020.godine.

#### **II**

Ova Odluka stupa na snagu danom donošenja, i objavit će se na web stranici [www.tuzla-airport.ba](http://www.tuzla-airport.ba) u skladu sa članom 70. stav 6. Zakona o javnim nabavkama.

#### **III**

Postupak poništavanja nabavke provest će se shodno odredbama Zakona o javnim nabavkama BiH, odnosno Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „e-Nabavke“ („Službeni glasnik Bosne i Hercegovine“, broj: 90/14 i 53/15).

### **O b r a z l o ž e n j e**

JP “Međunarodni aerodrom Tuzla” d.o.o. je na osnovu Obavještenja o nabavci broj: 527-7-2-73-3-20/20 od 10.08.2020.godine, putem konkurentskog zahtjeva, proveo postupak prikupljanja ponuda za nabavku usluga stručnog nadzora nad izvođenjem radova na izgradnji objekta Atrijuma sa poslovnim prostorijama i vanjskim uređenjem.

Rok za dostavljanje ponude bio je 01.09.2020.godine do 10:00 sati. Javno otvaranje ponuda izvršeno je u 10:30 časova dana 01.09.2020.godine, što je konstatovano zapisnikom sa

otvaranja ponuda broj: 01/I-1623-7/20 od 01.09.2020.godine. Procijenjena vrijednost nabavke je 30.000,00 KM bez PDV-a.

Zapisnik sa otvaranja ponuda dostavljen je ponuđačima u skladu sa zakonskim i podzakonskim aktima.

Nakon izvršenog otvaranja ponuda, Komisija je 07.09.2020.godine pristupila analizi dokumentacije priložene uz ponude u smislu provjere njihove validnosti obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Kriterij za dodjelu ugovora je „NAJNIŽA CIJENA“.

Na osnovu zapisnika sa otvaranja ponuda, Komisija konstatuje da se za nabavku usluga stručnog nadzora nad izvođenjem radova na izgradnji objekta Atrijuma sa poslovnim prostorijama i vanjskim uređenjem, prijavila 2 ponuđača:

1. Ponuđač IPSA INSTITUT D.O.O. Sarajevo- čija cijena ponude iznosi 27.800,00 bez PDV-a
2. Ponuđač TEHNO biro D.O.O. Tuzla (Lider konzorcija sa „Atrius projekt“ d.o.o. Živinice) - čija cijena ponude iznosi 28.500,00 bez PDV-a

Nakon što je konstatovala koliko se ponuđača prijavilo, Komisija je nastavila sa evaluacijom dostavljenih ponuda, te konstatovala da uvidom u priloženu dokumentaciju i suštinskom provjerom sadržaja i validnosti dokumentacije, da obje ponude ponuđača ispunjavaju formalno-pravne, ekonomske i tehničke uslove odnosno zahtjeve ugovornog organa, te da iste mogu biti predmetom vrednovanja primjenom kriterija „NAJNIŽA CIJENA“, shodno utvrđenim kriterijima Obavještenjem o nabavci, odnosno konkurentskim zahtjevom.

Komisija je jednoglasno konstatovala, shodno kriteriju NAJNIŽA CIJENA, da je utvrđena konačna rang lista ponuđača i da ista izgleda kako slijedi:

1. Ponuđač IPSA INSTITUT D.O.O. Sarajevo- čija cijena ponude iznosi 27.800,00 bez PDV-a
2. Ponuđač TEHNO biro D.O.O. Tuzla (Lider konzorcija sa „Atrius projekt“ d.o.o. Živinice) - čija cijena ponude iznosi 28.500,00 bez PDV-a.

Temeljem iznesenih činjenica Komisija za provođenje postupka nabavke usluga stručnog nadzora nad izvođenjem radova na izgradnji objekta Atrijuma sa poslovnim prostorijama i vanjskim uređenjem jednoglasno je konstatovala da postoje uslovi za izbor najpovoljnijeg ponuđača, te predložila Upravi ugovornog organa da donese Odluku o izboru najpovoljnijeg ponuđača i Ugovor o nabavci usluga stručnog nadzora nad izvođenjem radova na izgradnji objekta Atrijuma sa poslovnim prostorijama i vanjskim uređenjem dodijeli ponuđaču IPSA INSTITUT D.O.O. Sarajevo- čija cijena ponude iznosi 27.800,00 bez PDV-a, a u skladu sa članom 69. stav 1. tačka a) kao i članom 70. Zakona o javnim nabavkama BiH.

Ugovorni organ je nakon donošenja Odluke o izboru broj 01/I-1623-9/20 od 08.09.2020.godine obavijestio učesnike u postupku o ishodu istog.

Izabrani ponuđač „IPSA INSTITUT“ d.o.o. Sarajevo obavješten je da je dužan dostaviti važeća Ovlaštenja za poslove projektovanja izdata od Federalnog ministarstva prostornog uređenja shodno Uredbi o uređenju gradilišta, obaveznoj dokumentaciji na gradilištu i sudionicima u građenju (“Službene novine Federacije BiH” broj: 48/09), te da ugovor može

biti dodijeljen isključivo ponuđaču koji posjeduje pomenuta Ovlaštenja, te da je dužan dostaviti ovjerenu kopiju Ovlaštenja Federalnog ministarstva prostornog uređenja u roku od 5 dana od dana zaprimanja obavještenja o rezultatima ovog postupka javne nabavke, a što je bilo propisano tačkom 28. i 29. Tenderske dokumentacije.

Predmetne usluge stručnog nadzora su prema tehničkim specifikacijama obuhvatale nadzor nad radovima kako slijedi:

- arhitektonski dio projekta
- konstruktivni dio projekta
- građevinsko-zanatski dio projekta
- projekat elektro instalacija
- projekat mašinskih instalacija
- projekat vodovoda i kanalizacije
- projekat vanjskog uređenja (niskogradnja) sa vanjskom rasvjetom
- projekat zaštite od požara
- projekat hidrograđevine (rezervoar i prateća instalacija za protivpožarnu zaštitu).

Slijedom navedenog, izabrani ponuđač je u ostavljenom roku dostavio važeća ovlaštenja za segmente izrade arhitektonskog dijela projekta iz područja visokogradnje, izrade projekta konstrukcija iz područja visokogradnje, izrade građevinsko-zanatskog dijela projekta, izrade elektro dijela projekta jake i slabe struje iz područja niskogradnje i visokogradnje, izrade hidrotehničkog/hidrograđevinskog dijela projekta iz oblasti unutrašnjih instalacija vodovoda i kanalizacije područje visokogradnje i deponija komunalnog otpada, industrijske deponije, centri za upravljanje otpadom i pogoni za odlaganje i spaljivanje otpada, izrade hidrotehničkog/hidrograđevinskog dijela projekta iz područja hidrotehnike, izrade projekta iz područja niskogradnje, dok za protivpožarnu zaštitu nije dostavio, a što je neophodno za potpisivanje predmetnog ugovora.

Članom 72. stav 3. alineja b) Zakona o javnim nabavkama propisano je da Ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti dokumentaciju koja je bila uslov za potpisivanje ugovora, a koju je bio dužan pribaviti u skladu sa propisima u Bosni i Hercegovini.

Shodno navedenom, Komisija je jednoglasno predložila Upravi ugovornog organa da donese Zaključak kojim se Ugovor o nabavci usluga stručnog nadzora nad izvođenjem radova na izgradnji objekta Atrijuma sa poslovnim prostorijama i vanjskim uređenjem dodjeli drugorangiranom ponuđaču "TEHNO biro D.O.O. Tuzla (Lider konzorcija sa „Atrius projekt“ d.o.o. Živinice, a u skladu sa članom 72. Zakona stav 3. alineja b).

Slijedom navedenog, a u cilju iznalaženja najadekvatnijeg rješenja, upućen je i upit Agenciji za javne nabavke broj 01/I-2012/20 od 20.10.2020.godine s direktnim osvrtom na konkretni slučaj predmetne nabavke, na koji je ista dala svoje mišljenje.

Na osnovu prijedloga Komisije, a u skladu sa mišljenjem Agencije za javne nabavke, ovlašteni organ ugovornog organa donio je Zaključak o dodjeli ugovora broj: 01/I-1623-14/20 od 26.10.2020.godine.

Ugovorni organ je nakon donošenja Zaključka o dodjeli Ugovora broj: 01/I-1623-14/20 od 26.10.2020.godine obavijestio učesnike u postupku o ishodu istog.

Na navedeni Zaključak nezadovoljan ishodom postupka, ponuđač "IPSA INSTITUT" D.O.O. Sarajevo je uložio Žalbu dana 02.11.2020.godine, a koju je Ured za razmatranje žalbi Filijala Mostar, Rješenjem broj: JN2-03-07-1-3212-10/20 od 10.12.2020.godine odbio kao neosnovanu. Kopiju navedenog Rješenja dostavljamo vam u prilogu ovog akta.

Navedenim Zaključkom drugorangirani ponuđač TEHNO biro D.O.O. Tuzla (Lider konzorcija sa „Atrius projekt“ d.o.o. Živinice je obavješten da je dužan dostaviti važeća Ovlaštenja za poslove projektovanja izdata od Federalnog ministarstva prostornog uređenja shodno Uredbi o uređenju gradilišta, obaveznoj dokumentaciji na gradilištu i sudionicima u građenju ("Službene novine Federacije BiH" broj: 48/09), te da ugovor može biti dodijeljen isključivo ponuđaču koji posjeduje pomenuta Ovlaštenja i da je dužan dostaviti ovjerenu kopiju Ovlaštenja Federalnog ministarstva prostornog uređenja u roku od 5 dana od dana zaprimanja obavještenja o rezultatima ovog postupka javne nabavke, a što je bilo propisano tačkom 28. i 29. Tenderske dokumentacije.

Predmetne usluge stručnog nadzora su prema tehničkim specifikacijama obuhvatale nadzor nad radovima kako slijedi:

- arhitektonski dio projekta
- konstruktivni dio projekta
- građevinsko-zanatski dio projekta
- projekat elektro instalacija
- projekat mašinskih instalacija
- projekat vodovoda i kanalizacije
- projekat vanjskog uređenja (niskogradnja) sa vanjskom rasvjetom
- projekat zaštite od požara
- projekat hidrograđevine (rezervoar i prateća instalacija za protivpožarnu zaštitu).

Međutim i izabrani drugorangirani ponuđač u ostavljenom roku je dostavio važeća ovlaštenja za segmente izrade arhitektonskog dijela projekta iz područja visokogradnje, izrade projekta konstrukcija iz područja visokogradnje, izrade građevinsko-zanatskog dijela projekta, izrade elektro dijela projekta jake i slabe struje iz područja niskogradnje i visokogradnje, izrade hidrotehničkog/hidrograđevinskog dijela projekta iz oblasti unutrašnjih instalacija vodovoda i kanalizacije područje visokogradnje i deponija komunalnog otpada, industrijske deponije, centri za upravljanje otpadom i pogoni za odlaganje i spaljivanje otpada, izrade hidrotehničkog/hidrograđevinskog dijela projekta iz područja hidrotehlike, izrade projekta iz područja niskogradnje, **dok za protivpožarnu zaštitu nije dostavio, a što je neophodno za potpisivanje predmetnog ugovora.**

TEHNO biro D.O.O. Tuzla je u okviru dokumentacije koja mu je tražena pomenutim Zaključkom dostavio između ostalog i Ovlaštenje Instituta za zaštitu, ekologiju i obrazovanje d.d. Tuzla za oblast izrade projektovanja zaštite od požara, a za kojeg u svojoj ponudi nije dostavio niti Ugovor o konzorciju niti drugu dokumentaciju traženu tenderskom dokumentacijom.

Komisija je konstatovala da je članom 72. Zakona stav 3. alineja b) propisano da Ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti dokumentaciju koja je bila uslov za potpisivanje ugovora, a koju je bio dužan pribaviti u skladu s propisima u Bosni i Hercegovini.

Slijedom svega navedenog, a imajući u vidu da su u predmetnoj nabavci bila dva ponuđača koja nisu dostavila potpunu dokumentaciju koja je neophodna za zaključivanje ugovora, te da nema više ponuđača, Komisija za provođenje postupka nabavke usluga stručnog nadzora nad izvođenjem radova na izgradnji objekta Atrijuma sa poslovnim prostorijama i vanjskim uređenjem predložila je Upravi Ugovornog organa da donese Odluku o poništenju postupka za predmetnu nabavku, u skladu sa članom 69. stav 3., kao i članom 70. Zakona o javnim nabavkama BiH.

Na osnovu prijedloga Komisije, a u skladu sa Rješenjem Ureda za razmatranje žalbi Filijala Mostar, broj: JN2-03-07-1-3212-10/20 od 10.12.2020.godine, ovlašteni organ ugovornog organa donio je odluku kao u dispozitivu.

**PRAVNA POUKA:** Žalba se može izjaviti u roku od 5 (pet) dana od dana prijema ovog Zaključka. Žalba se izjavljuje ugovornom organu, u pisanoj formi direktno putem protokola ili preporučeno poštanskom pošiljkom.

**Dostavljeno:**  
2 x Ponuđačima  
1 x Evidenciji  
1 x a/a



**DIREKTOR**

*Esed Mujačić*  
**Esed Mujačić**

